

208. fundur Breiðafjarðarnefndar, haldinn 25. október 2022, á Teams

Mætt: Erla Friðriksdóttir formaður, Guðríður Þorvarðardóttir varaformaður, Arnar Kristjánsson, Karl Kristjánsson, Valdís Einarsdóttir, Sigurður Halldór Árnason og Magnús A. Sigurðsson

Forföll: Arnheiður Jónsdóttir forfallaðist og ekki náðist í varamenn hennar vegna skamms fyrirvara.

Fundarritari: Jakob Stakowski

Formaður setti fund kl. 10.15

1. Fundargerð 206. fundar og 207. fundar Breiðafjarðarnefndar

Fundargerð 206. fundar nefndarinnar frá 16. ágúst 2022 og fundargerð 207. fundar frá 20. september 2022.

Afgreiðsla:

Fundargerðir lesnar upp og samþykktar.

2. Vettvangsferð - Eftirvinnsla

Fjallað var um vettvangsferð sem farin var í ágúst 2022.

Afgreiðsla:

Jakob sagði frá eftirvinnslu vettvangsferðarinnar en hann mun skrifa skýrslu um hana. Nefndarfólk var beðið um nokkrar upplýsingar til að vinna skýrsluna.

3. Styrkjamál 2022

Breiðafjarðarnefnd ræddi um styrkumsóknir sem liggja fyrir á þessu ári.

a. Sjávarjörðin Búðir undir Kirkjufelli

Fyrir liggur umsókn frá Sævari Pálssyni um styrk fyrir verkefnið *Sjávarjörðin Búðir undir Kirkjufelli*, sem barst Breiðafjarðarnefnd 12. október 2022. Rætt var um umsóknina og möguleika nefndarinnar til að styrkja verkefnið.

Afgreiðsla:

Breiðafjarðarnefnd hefur fjárheimild til að styrkja suma hluta verkefnisins, sérstaklega þá sem snúa að fræðsluáformum, en getur ekki styrkt uppbyggingu Grundarfjarðarvita því nefndin hefur ekki heimild til að styrkja byggingarframkvæmdir. Nefndin mun kalla eftir frekari upplýsingum varðandi fræðsluþátt verkefnisins áður en ákvörðun um mögulegan styrk verður tekin.

b. Gróðurrannsókn á eyjum Breiðafjarðar

Breiðafjarðarnefnd hefur undirbúið gróðurannsókn á eyjum Breiðafjarðar síðan í apríl. Rannsóknin verður unnin af Náttúrustofu Vestfjarða og verður svipuð og rannsókn sem nefndin styrkti árið 2019. Sú gróðurannsókn er aðgengileg á vefsíðu nefndarinnar hér: <http://www.breidafjordur.is/wp-content/uploads/2022/04/Vegetation-mapping-of-islands-in-Breidafjordur-West-Iceland-2018-2.pdf>

Ákveðið var á 205. fundi Breiðafjarðarnefndar 16. ágúst 2022 að Sigurður kynnti skipulag, framkvæmd og kostnaðaráætlun verkefnisins fyrir nefndinni í lok október.

Afgreiðsla:

Sigurður Árnason kynnti fyrir nefndinni stöðu undirbúningsvinnu. Náttúrustofa Vestfjarða vinnur áfram í skipulagi rannsóknar og sendir Breiðafjarðarnefnd sínar tillögur auk kostnaðaráætlunar fyrir næsta fund 22. nóvember. Nefndin mun ganga frá fjárhagsáætlun á næsta fundi.

c. Örnefnaskráning

Þorvaldur Þór Björnsson, Náttúrufræðistofnun Íslands, mætti á 203. fund Breiðafjarðarnefndar 17. maí 2022 til að upplýsa um stöðu örnefnaverkefnis sem hann hefur unnið á Breiðafirði síðustu ár. Örnefnaverkefnið hlaut styrk frá Breiðafjarðarnefnd árið 2021 en nefndin hefur rætt möguleika um að styrkja verkefnið enn frekar.

Afgreiðsla:

Breiðafjarðarnefnd ákvað að veita örnefnaverkefninu framhaldsstyrk á þessu ári. Jakob setur sig í samband við Náttúrufræðistofnun Íslands til að undirbúa styrkveitinguna.

4. Svar vegna umsagnar Breiðafjarðarnefndar vegna breytingar á deiliskipulagi Víkurhverfis í Stykkishólmi

Breiðafjarðarnefnd fékk svar frá skipulagsfulltrúa Stykkishólmsbæjar varðandi umsögn vegna breytingar á deiliskipulagi Víkurhverfis í Stykkishólmi. Í sinni umsögn frá 7. júní 2022 lagði Breiðafjarðarnefnd til að ráðast í mótvægisáðgerðir vegna losunar kolefnis við framkvæmdir í Víkurhverfi, Stykkishólmi. Í kjölfar umsagnar barst Breiðafjarðarnefnd fyrirspurn frá skipulagsfulltrúa þar sem beðið var um hugmyndir að slíkum mótvægisáðgerðum.

Afgreiðsla:

Breiðafjarðarnefnd talaði um mótvægisáðgerðir á fundi og mun senda skipulagsfulltrúa sínar hugmyndir. Jakob gengur frá bréfi og sendir nefndarfólki til staðfestingar.

5. Þangvinnsla í Stykkishólmi - Staða skipulagsferlis

Breiðafjarðarnefnd gerði umsögn um þangvinnslu við Nesveg 22a í Stykkishólmi 20. september 2022. Í kjölfarið var formanni Breiðafjarðarnefndar boðið á fund með skipulagsfulltrúa og framkvæmdaraðila.

Afgreiðsla:

Breiðafjarðarnefnd ræddi frekar um stöðu skipulagsferlis Nesveg 22a.

Formaður Breiðafjarðarnefndar sagði frá fundinum 28. september og stöðu mála varðandi þangvinnslu við Nesveg 22a.

6. Önnur mál

Engin önnur mál voru rædd.

Næsti fundur verður 22. nóvember, kl. 10.30, í Stykkishólmi.

Fleira ekki gert og fundi slitið kl. 11.30.